

朱 煥

吾愛秋容好閒雲澹遠空潭澄先得月閑靜自宜風
賸有十千酒何來六一翁共商竹素業意氣幾人同
吾愛秋容好籬花帶露開故人分竹葉邀客上層臺
地僻塵氛遠天高爽氣來悲歌成底事且盡手中盃
吾愛秋容好夜闌興轉深疎簾邀月色短笛振霜林
城市烟霞景風塵湖海心何人能紀勝得句羨高岑
九日趙謝耿胡四孝廉招飲秋聲樓同朱大行
年丈得花字

武圖功

天涯薄宦自堪嗟此日登臨興轉賒座上詩思皆白

雪眼中景物又黃花感時莫作三秋賦壯歲俄驚兩
鬢華沉醉任從吹落帽明朝還欲膏征車

朱 煥

此日登臨覽物華眼前秋色淨蒹葭孤城新月催雙
杵疎樹寒烟帶暮鴉幽興偏宜人送酒勝遊須戴菊
還家座中最是能文客莫向龍山憶孟嘉

趙 產

屹屹樓臺近水涯品題還屬大方家慚無詩句酬佳
會喜共登臨覽物華醉裏可能舒白眼秋來早已到
黃花使君不減龍山興落帽何如晉孟嘉

胡權

水近高樓秋日斜
登臨朱履亂交加
留賓幸有尊中酒
對景可無頭上花
斷雁幾聲千里暮
驚人一曲五雲賒
分明知是重陽節
自覺春風滿座遮

耿如琦

年來落魄漫長嗟
徙倚高樓意氣賒
秋色入簾堪對酒
春風滿座自宜花
愧無佳句酬新景
雅共康謠度歲華
遍插茱萸渾浪語
一天雨露喜隨車

八月十五夜登備美樓有感

金協黃

清暑高樓迥涼秋
獨夜登恰當三五夕
快見月華升

砧響金風度花飛玉露凝思親違子舍俯仰慮難勝

咏滑州公儀龍圖溪園

歐陽修

聞說溪園景漸佳遙知清興已無涯
飲闌歸騎多乘月雪後尋春日探花
百轉黃鸝消永日雙飛白鳥避鳴笳
平生喜與君酬唱不得樽前詠落霞

過王孝廉小給園

沈堯中

高人饒野趣別墅傍城隈地勝花常吐
亭幽鳥自來涼飈當樹發皓月向簷開
脫去塵中想悠然般若臺

西湖鼉園

皇甫汈

金馬沉方朔文園卧長卿何如狎鷗鳥
暫此返柴荆

草就編年日花餘愛日情庭闈自可戀詎是厭承明

題西湖鼉閣

史褒善

碧山學士興悠然背郭築亭近水邊畫棟流雲凌翠壁虹橋垂柳起鳴泉那同石季開金谷疑是王維畫輞川林卧遐觀驚歲改爲君欲贈繞朝鞭

湖上嵐光接杪秋蘋風遠擊木蘭舟霜華漫剪陶潛柳杯酒時登庾亮樓狎客幾成詩興癖野人轉抱杞心憂同遊勝絕憐山意迤邐雲天伴野鷗

題姑射園

陳所行

長林清晝日偏遲小閣低垣事事宜幸有主人邀看

竹更無觴政苦催詩引來礪水通茶竈移得雲根近
墨池君豈避秦甘自隱輞川應屬老王維

王臣直

仙源一棹定何如擬訪秦人洞裏居客爲醫花長命
酒奴能解字省攤書平郊自放林間鶴曲沼時窺濠
上魚清福輸君勞遠夢汾干閒却睡春廬

過吉津園

王臣直

十畝伊人宅其園在水涯韻之以竹石趣復半烟霞
吾欲廻青眼君真此白眉丰標領略盡恨未讀君詩
春日同張水部元白飲王子潛姑射園

袁繼咸

盈空敞局久愛月又登臺遠色凌虛入高風捲雨來
烟寒籠淡柳春淺住殘梅百斗君才健風塵倦眼開

修素園

成克鞏

第後園林依水灣城隈雉堞帶烟鬟幽谿鶴步苔痕
靜深樹雲留鳥語閒晝錦重霑新雨露賜錢增築舊
湖山花晨月夕優游處手澤書香俯仰間

白雲茅屋

方孝孺

夕卧白雲合朝起白雲閒惟有心常在不隨雲去來

福興寺

石星

宛轉溪橋一逕通上方殿閣鬱巖嵒
白雲紅葉青霄外疎柳寒塘夕照中
六代遺蹤寧寂寂大千世界本空空
無生欲叩渾惆悵何處廬山問遠公

雪後過福興寺

穆文熙

雪滿千巖一逕分上方鐘磬遠相聞
劫灰不改三天界殘碣猶存六代文
鼎繞雙龍常吐霧嶺攢雜樹欲干雲
逢僧說偈何辭晚好借佛燈續暮暉

遊普照寺

董復亨

三伏炎蒸日諸天縹緲間時來依法座
共去理禪關人世火爲宅吾生雪作山
只疑葱蒨外秋近不知還

遊普照寺

陳誠心

甞却人間事來尋方外真松深巢鶴古地僻野鷗馴
幡影懸山月鐘聲落梵塵空門饒異景歷覽不辭頻
遊普照寺

張銓

城隅有古寺幽興與詩宜山靜僧初定雲來鳥不知
石留元相偈松老漢人枝鎮日蓬雙鬢竹林月下遲
普照寺

劉六德

臘日寒風改徘徊到上方雲深薄曙色雨潤起塵香
老檜芬層閣清笙出翼廊塵緣到此淨已覺似春光
有客憐同調招提晚又過風回人面急雨抱樹頭多

紺殿鳴金鐸流澌送玉珂寒暄何事幻執禮問陀羅

普照寺

李養正

爲愛招提好尋幽傍晚行入門雙鶴立隔徑一僧迎
古殿丹青色方塘水石聲便宜披野衲趺坐學無生
浩劫何年造虛堂靜不譁雨蝸蝕貝葉梁燕污袈裟
瘦杞垂朱實枯藤蔭紫花徘徊幽興足門外日將斜
一入青蓮界塵踪漸覺稀雲深法座冷風靜午鐘微
野鳥鳴晴竹山僧掩畫扉如來何處覓剩得五銖衣
寂寂花宮夜無言獨倚闌星臨珠塔廻月傍石樓寒
別院笙初咽誰家笛欲殘傳來天女至環珮影珊珊

普照寺

吳驥

華鯨吼禪關郊外析聲靜陰魄歛餘輝暘烏澹初景
豈知百年內塵夢幾回醒庶用警迷方因茲發深省

初居普照寺

釋善岩

跋涉江湖歲月饒偶停錫杖結蓬茆鼠嫌貧去墻無
穴鳩喜歸來樹有巢蘿徑苔垣空寂寂松風竹露自
蕭蕭柴門竟日雲來鎖常得詩人帶月敲

雲陽寺

薛所蘊

曲棧盤深處緣雲見梵宮兩山青嶂遶一水綠蘿通
磬響傳虛谷嵐光混太空倦來依石坐謾謾下松風

寓興國寺

周宸藻

寂寞空王殿禪扉晝自閒
浮名天地外白眼市朝間
一磬昏兼曉孤雲往復還
老僧相對久何事入深山

丙午龍起日水月菴觀水

王潤民

縱目憑闌倒綠尊石橋新柳向空門
高低烟樹接東岱深淺迴溪帶遠村
岸草青青憐牧踐羣鳬泛泛畏人喧
良遊不遜蘭亭跡楊子風流迴可存

重陽同宋荔裳方與三過甘泉菴登高分韻

張鴻儀

雨霽生新爽招尋盡我儕
城蕪殘堞散碣古亂榛
黑

風帽吹狂客霜華落斷厓連鑣歸路晚夕照下茅柴
早訂登高約逃禪客到門飄蓬遊宦改浩劫老僧存
地重黃河遶沙飛白日昏籌邊勞使相指點舊車屯

張鴻佑

不負登高約荒郊聚客星溪連秋草白雲逐遠天青
弔古盃頻把尋僧轡暫停遙看歸路晚夕鳥下高冥

馬大士

孤岫藏雲迴幽巖避雨深山中寬吏法坐上起禪心
濤壯歌聲細盃長漏點沉僧寮堪捫腹把臂入青林

遊莊子觀

裴廸

好閒早性成來此諧夙諾今日漆園遊還同莊叟樂

漆園

胡曾

青春行役去悠然一曲汀蒲漆水流正見塗中龜曳尾令人特地感莊周

詠漆園

區大相

傲吏戰國士著書漆園裏遭時厭有爲乘運觀無始禮樂鄙魯儒垂釣謝楚使托迹方外民希心柱下史

長春觀

盧枏

萬里天風海水高三山不動駕羣鰲青霄漠漠聞鸞嘯白日翩翩見鶴翔巖下瓊漿留衛叔山中瑤草寄

盧敖懷紆金紫人間事
日日吹笙對碧桃

瀛海青雲見帝丘
玉光浮動五城樓
茅君借我山中鶴
飛上天門看九州

紫極清壇道士家
閒騎白鹿弄雲霞
蕭臺旖旎金光草
春殿虛無玉樹花

重修學中山池

王崇慶

巍巍素王宮遙起鷄鳴山
幽泉開碧流魚鳥叢其間
上有喬年木下有賢士關
白雲動寒影翠草迷沙斑
春來復秋去頽塞傷容顏
景行者誰子嘆息悲重灣
錦江徐別駕佐郡能摧頑
一朝事修鑿瞻者爲改觀

大名府志 卷之十一
作詩紀成跡相繼期人寰

劉裕公闢呂祖洞於大伾山賦四首

馬秉德

寧惟東海有蓬萊大伾而今生面開一夜罡風移紫府千秋禹蹟聳丹臺吐吞日月樓軒迴舒卷雲霄洞壑嵬不是巨靈施妙掌真仙那肯駐風雷

邯鄲今古美黃梁鶴到青壇倍有光劍指芙蓉千嶂丹攜衣袂九天香隨緣不愛麤金枕度世長留鴻寶方手拍浮丘成一醉岳陽此日是黎陽

赤松弟子說留侯太素同傳方聚頭紫綬人深忠孝

性玉晨天貺鳳麟洲旌陽道濟三千界勾漏丹飛十
二樓欲覓梯仙國在此一琴一鶴任優游

閨風玄圃祇聞名何似瓊題洞府清松下傳書繡鳥
篆峯頭談劍舞龍精撥雲天女擁銀膀攜鹿仙賓吹
碧笙步躡巘屹隨紫氣玉京天上共師行

浮山院壁

盧 枏

洞口春雲薄桃花一水香金壇凝夜漏玉盃出瓊漿
河上仙人遠洲中紫氣翔何當着雙舄爲覓費長房
過劉元城故里

方育盛

富貴已行雲文章似腐草所賴正氣存乾坤常顯顯